

## REGLUGERÐ

### um sérstakt gjald af bifreiðum og bifhjólum

#### I. KAFLI

#### Almenn ákvæði

##### 1. gr.

Greiða skal í rikissjóð sérstakt gjald af bifreiðum og bifhjólum, nema annað sé ákveðið samkvæmt ákvæðum reglugerðar þessarar.

##### 2. gr.

Gjald af bifreiðum skal lagt á í sjö eftirfarandi flokkum miðað við eigin þyngd eða sprengirými aflvélar mælt í rúmsentimetrum:

	Eigin þyngd í kg	Sprengirými í cm <sup>3</sup>	Gjald í %
I .....	0— 700	0—1000	0
II .....	701— 800	1001—1300	5
III .....	801— 900	1301—1600	10
IV .....	901—1100	1601—2000	15
V .....	1101—1300	2001—2300	20
VI .....	1301—1500	2301—3000	25
VII .....	≥ 1501	≥ 3001	30

Við flokkun til gjaldskyldu í lægri gjaldflokk, komi fleiri en einn til álita skv. 1. mgr., nægir að annað skilyrðið, eigin þyngd eða sprengirými, sé uppfyllt. Með „eigin þyngd“ er átt við þyngd bifreiðar eins og hún er skýrgreind samkvæmt staðli Alþjóðlegu stöðlunarstofnunarinnar ISO, nr. 1176 Road vehicles — Weights — Vocabulary (tölulíður 4.6), og er þá miðað við ökutæki tilbúin til aksturs m. a. með olíu, kælimiðli, eldsneyti, rafgeymi, aukahjólbarða og verkfærasetti.

##### 3. gr.

Af öllum bifhjólum og beltabifhjólum skal greiða 10% gjald.

##### 4. gr.

Ökutæki í eftirtöldum tollskrárnúmerum skulu undanþegin sérstöku gjaldi af bifreiðum:

- 87.01.20 Dráttarbifreiðar með burðarþol 6 tonn og þar yfir, fyrir festivagna.
- 87.02.12 Ökutæki á beltum, yfir 400 kg að eigin þyngd.
- 87.02.17 Ökutæki með burðarþol 6 tonn og þar yfir, til flutnings bæði á mönnum og vörum.
- 87.02.29 Almenningsbifreiðar.
- 87.02.31—32 Grindur með hreyfli og öikumannshúsi með burðarþol 6 tonn og þar yfir.

- 87.02.35 Flutningstæki fyrir grjót o. þ. h.  
87.02.37—38 Vörubifreiðar með burðarþol 6 tonn og þar yfir.  
87.02.43 Sjúkrabifreiðar.  
87.03.01—09 Bifreiðar til sérstakrar notkunar.  
Bifreiðar sem eru knúnar rafhreyfli.

## II. KAFLI

### Innfluttar bifreiðar og bifhjól

#### 5. gr.

Við innflutning gjaldskyldra bifreiða, bifhjóla, og beltabifhjóla skal gjald skv. 2. og 3. gr. lagt á tollverð þeirra eins og það er ákveðið samkvæmt ákvæðum laga nr. 120/1976 um tollskrá o. fl. með áorðnum breytingum. Gjaldið skal innheimt við tollafgreiðslu á innfluttum gjaldskyldum vörum ásamt aðflutningsgjöldum.

#### 6. gr.

Innflytjandi bifreiðar, bifhjóls eða beltabifhjóls skal afhenda viðkomandi tollyfirvaldi, ásamt aðflutningsskýrslu, umsókn á þar til gerðu eyðublaði um skráningu ökutækis þar sem m. a. skal gerð grein fyrir eigin þyngd og stærð sprengirýmis aflvélar viðkomandi ökutækis (kW ef um rafknúna bifreið er að ræða), sbr. 2. og 3. gr.

Eyðublöð vegna umsóknar um skráningu ökutækis fást hjá tollyfirvöldum.

## III. KAFLI

### Innlend samsetning

#### 7. gr.

Bifreiðar sem settar eru saman hér á landi eru gjaldskyldar skv. 2. gr., sbr. þó 4. gr., og er óheimilt að skrásetja þær fyrr en sérstakt gjald af bifreiðum hefur verið greitt.

#### 8. gr.

Gjald af bifreiðum sem settar eru saman hér á landi skal lagt á matsverð sem fundið skal samkvæmt sömu reglum og gilda um ákvörðun tollverðs sams konar eða hliðstæðra innfluttra bifreiða samkvæmt ákvæðum laga nr. 120/1976 um tollskrá o. fl. með síðari breytingum, sbr. m. a. bifreiðaverðskrá sem gefin er árlega út af fjármálaráðuneytinu skv. 2. mgr. 13. gr. tollskrárlaga.

#### 9. gr.

Gjaldskyldir samkvæmt ákvæðum þessa kafla eru allir þeir sem setja saman bifreiðar hér á landi, hvort sem er til endursölu eða eigin nota.

Þeir sem gjaldskyldir eru samkvæmt þessari grein skulu ótilkvaddir greiða innheimtumanni ríkissjóðs í því umdæmi þar sem þeir eru heimilisfastir gjald það sem þeim ber að standa skil á. Greiðslu, sem innt skal af hendi áður en skráning bifreiðar fer fram, skal fylgja skýrsla á þar til gerðu eyðublaði um hina gjaldskyldu bifreið ásamt umsókn um skráningu, sbr. 6. gr.

#### IV. KAFLI Ýmis ákvæði.

##### 10. gr.

Við tollafgreiðslu skal fella niður eða lækka sérstakt gjald samkvæmt reglugerð þessari af fólkshifreiðum til öryrkja sem njóta tollaívilnana. Um niðurfellingu eða lækkun gjaldsins skal farið svo sem fyrir er mælt í 27. tl. 3. gr. tollskrárlaga og ákveðið er í tilkynningu ráðuneytisins um eftirgjöf hverju sinni.

Við tollafgreiðslu fólkshifreiða til leiguhifreiðastjóra og ökukenndara sam hafa að aðalstarfi akstur allt að 8 farþega leiguhifreiða til fólkshiflutninga eða kennsluhifreiða skal einungis innheimta, miðað við flokkun viðkomandi hifreiðar, hálf það gjald sem um ræðir í 2. gr., en að þremur fjórðu hlutum ef um aukastarf er að ræða. Af sendihifreiðum sem bera 1450 kg hlass eða meira skal heimilt að fella gjaldið niður við tollafgreiðslu til sendihifreiðastjóra sem hafa akstur að aðalstarfi, en sama regla og um ræðir í 1. málslíð skal gilda um aðrar sendihifreiðar til sendihifreiðastjóra. Um eftirgjöf sérstaks gjalds af hifreiðum þessara aðila skal farið eftir reglum ráðuneytisins um eftirgjöf á tolli skv. 41. tl. 3. gr. tollskrárlaga eftir því sem við á. Þó skal fyrning samkvæmt reglum settum samkvæmt 41. tl. 3. gr. tollskrárlaga vegna eftirgjafar af sendihifreiðum sem bera 1450 kg hlass eða meira vera fjögur ár í stað þriggja.

Ákvæði 1. og 2. mgr. þessarar greinar skulu gilda eftir því sem við getur átt um hifreiðar sem settar eru saman hér á landi.

Tollstjóranum í Reykjavík er falin framkvæmd ákvæða þessarar greinar.

##### 11. gr.

Að því leyti sem eigi er ákveðið í reglugerð þessari um gjaldskyldu, álagningu, úrskurð um flokkun til gjaldskyldu, innheimtu, veð, sektir, viðurlög, refsingar og aðra framkvæmd varðandi séstakt gjald af hifreiðum og hifhjólum skulu gilda eftir því sem við getur átt ákvæði laga nr. 120/1976 um tollskrá o. fl., laga nr. 59/1969 um tollheimtu og tolleftirlit og laga nr. 47/1960 um tollvörugeymslur o. fl. með áorðnum breytingum svo og reglugerða og annarra fyrirmæla settra samkvæmt þeim.

##### 12. gr.

Reglugerð þessi er sett samkvæmt heimild í 16. gr., sbr. 35. gr. laga nr. 4/1960 um efnahagsmál, til að öðlast gildi þegar í stað og birtist til eftirbreytni þeim sem hlut eiga að máli. Jafnframt er úr gildi numin reglugerð nr. 163/1978 um sama efni svo og reglugerð nr. 453/1981 um breytingu á henni.

*Fjármálaráðuneytið, 30. apríl 1982.*

**Ragnar Arnalds.**

*Höskuldur Jónsson.*